

容齋詩集

容止詩集卷十九

綿上茹綸常文靜

獨吟集

已亥冬芝田旣遊山左西郊復歸道山庚子
春松晚以謁選北上一時騷壇風流雲散矣
辛丑遭炊臼之戚吟咏益廢癸卯蘭谷又歿
故首尾四年所得詩止如千首耳白傅詩成
止作獨吟人之句曰獨吟集聊紀歲月無足
存也

哭西郊二首

騷壇氣色黯然收宿德清門孰與儔博學貧惟敦
古處論文老尚壓時流人間已圯靈光殿天上空
成白玉樓舊侶卽今零落盡底堪重問竹林遊
不愧誰刊有道碑廿年風義苦難追雪飛殘臘彌
留日花落空山窰窰時聞笛祇今愁向秀擗琴真
擬謝鍾期生天成佛從誰論剩有臨風老淚垂

送松晚北上二首用留別韻

老來情緒怕臨岐濁酒匆匆醉莫辭故國春歸飛
絮日舊遊人去落花時板輿鳩杖還將毋畫壁旗
亭獨咏詩從此烟霄看漸近

時將謁
選人

金臺冠蓋好

攀追

東風駘蕩草芊芊折柳離亭更黯然
晉壘雲深連栢井燕山天遠接芹泉
消魂漫誦江淹賦得路從先祖遞鞭
他日官閒吟思好懷人應寄衍波箋

送松畹北上

埵

故園欲發又停征聽唱陽關送遠行
長路有人瞻馬首東風無地聽鶯鳴
桃花潭水春三月柳色河橋酒一觥
此去應須各努力升沉何事問君平

竹溪老人歌

竹溪老人喜爲詩飯顙山頭嘲不辭竹溪老人妙
寫竹但恨無過文石屋竹溪老人工草書龍蛇往
往驚里閭精神滿腹龐眉鬚君不見鄭虔老去擅
三絕君今年政七十餘好躋期願與耄耄

重送松畹兼寄張素堂兵部

計日行過種玉田到時真許旅愁捐殿春紅藥豐
臺好入夏朱櫻上苑妍拂拭琴書開別舍殷懃歌
管接初筵君家思曼如相問爲道憂生百慮煎

碩亭明府以遊臺山詩見寄用韻奉和

五峰豎指鬱崔嵬無限嵐光撲面來下界風烟連

北塞上方龍象接中臺僧製草色芊綿合佛鉢花
香爛熳開最是探幽成雜咏知君不愧裕之才遺山
有臺山雜咏

次韻和碩亭明府南山寺詩

佛界名藍在盤空石徑微深林聞虎嘯絕磴看雲
歸簷荀花應發迎陵鳥任飛翠華方佇埃更許

奉

宸暉謂明歲
興西幸也鑾

王文山山長以自作書画枉惠且詩佐之

走筆賦此奉謝

右軍書法巨然山詩格轡標伯仲間此日鷺湖傳

勝事風流三絕杳難攀

秋夜寄懷寸田

判袂俄驚一載餘故人消息定何如
板輿奉母情差慰席帽衝風願又虛
羅雀門閒多落葉飛鴻天遠少來書
清宵白髮勞魂夢剩有黃花伴索居

容至先生以對菊懷寸田作相寄向粘之
壁間如獲晤對茲以重九會歌奉報并綴
一截以當柬候

公溥

黃華相對影披離正是詩人憶我時
不得還同重九會思君無計讀君詩

元微之閬州開元寺壁題樂天詩有句云

思君無計
寫君詩

附

壬寅重九會歌

公溥

香山九老人間無壽皆七十八十餘益以如滿
並元爽九老千載名非誣耆英會中十二老八
百九十鶴筭儲溫公無詩獨有序潞公之命安
可虛溫公自謂奉
潞公命作序唐宋而後續真率嘉靖司馬
同司徒溫公會作真率會嘉靖中大司徒孫東
穀大司馬王鳳泉舉八耆會又謂之續
真率會西塘樂聚會初服中原奇社聲喁喁劉贊
序初
服會王价序太傅豐芑更伊洛先太傅忠節公
在東京立豐芑
社歸洛後復講明道學多名儒二百年來盛事
立伊洛社

少流風餘韻思楷模前年春和堂中宴

戊戌九月姪嗣

靖燕昭舉橫山九老會於春和堂

褊褊八老紛襟裾

共九人而李宜公未

與芝堂仙去已三載

先叔向先生

孔堂歸卧南陽廬

李緣園歸寶豐

鬢鏤七老老益壯人數恰合香山初第

一第二大小阮年正八十欣容與

舅氏慶卜先生與王象山

為叔姪今年皆八十

次三者誰富韓歲

王肅公年七十九

崢嶸有

子稱家駒

謂擬薛

慣舞斑斕養親志堂開五世邀

懽愉再次三人歲遞減

李宜公七十八孟大末山徐顯則皆七十七

末

座尚與劉馮符

孟敏卷七十五

七人五百四十六鳩杖

不令兒孫扶元默之歲重九日堦羅松菊兼茱

莫醇醪飛觥馥錯花揮白鬢爭軒渠於今所

增復有九不才也許相陪趨

首王漢幟次舍姪騰萬次兩家兄慰

先饒源次李元章孟樸存次兩舍姪中一未及如山及李丹崖而溥亦附名於末共十八

七十亦得與不嫌援例追狄廬外一寓名我家

弟

舍弟碩亭令介休擬薛致書挽其寓名此會

規摹宣徽留北都

王拱

辰留鎮北都以不克入耆英會

擬薛年已逾甲

為恨請於潞公願寓名其中

擬薛年已逾甲

子厭尊不肯名姓俱擬薛齒應入會厭於乃尊

之以義也衆從新舊人如登瀛數敢學樂天圖畫

圖狂歌一曲歌且舞神仙不是將何如

題彌勒笑傳奇江南張澈石原本名夢中緣寸田改為北曲命今各

一笑黃梁夢境諳祇應彌勒可同龕移宮換徵渾
閒事好向聲聞斷處參

碩亭明府春前以盆蘭見惠秋杪再抽一

箭同人咸目爲瑞漫賦二首

追錄丁酉舊作

那羨裝堂百種花秋深天遣茁名葩衰宗子弟佳
難得懶向詩人作瑞誇

磁斗分來記宰官幽芳真不讓吳潘固應衆草難
爲伍止許東籬共菊看

重陽前四日雪中對菊

追錄丙申舊作

未到重陽雨雪繁敗荷風葉共闌珊秋來底事強

人意只有黃花冷耐看

上元前一日雪中書事

閉門聊復學袁安漠漠同雲釀峭寒柳絮漫空難
著咏梅花何處可尋看當杯魯酒還須貰入夜鄰
箏已罷彈料得九衢燈事少五陵車馬興闌珊

雪夜感舊

縞帶銀杯語漫啞凌兢風雪正侵帷梁園舊侶今
誰在予舊與田夫西郊有咏雪用歐陽公禁體物語韻諸作惆悵孤燈夜讀
時

悼亡詩八首 有序

宜人侯氏歸予幾卅載性貞靜尤嫻禮法內外
族黨咸稱之至於綜理家政勤瘁脩至予得藉
臥不問家人生產其歿也如失左右手擬爲詩
哭之慟懷瞀亂思不能屬閱兩月葬有日矣始
和淚濡墨勉成絕句八首以寄予哀時辛丑立
秋後二日也

廿年家計總辛勤一病俄驚生死分最是靡依小
兒女哭聲淒絕不堪聞

萱艸愁看學黛眉榴花如血照堦墀斷腸恰恨當

重午續命何曾有五絲

宜人卒
於五日

綺歲曾爲悼逝吟

謂元配白
宜人也

斷雲零雨幾消沉那

知華髮盈顛日又操無妻牧犢琴

詎必秦醫有禁方病中最悔欠周防悲君獨不邀

天幸妖夢終爲二豎殃

春前宜人有夢
自以爲不祥

拉雜殘編與舊縑短衣操作詎曾嫌劇憐事事相

料平理不暇閒情對鏡奩

誰遣歸寧約屢除花開無復望香車九原料得多

遺恨白髮傷心累阿爺

時外舅年
七旬餘矣

兒女情深詎有涯年年婚嫁費周遮盈箱針線閒

開處尚剩挑殘韻字紗

妝臺人去冷餘薰
画篋猶存金縷裙
他日西郊愁重過
一坏黃土弔新墳

九亭司馬去介十載壬寅春杪以需次入
都紆道過訪感晤之餘旋復悵別爰賦此
奉送

意外重相見臨岐更黯然
花寒汾曲雨樹隱薊門
煙十載看華髮三春對別筵
壯心知未已好著祖
生鞭

次贈別原韻

王篤祐九亭

自笑出山客寒灰空復然
熱中原水火岐路枉

風煙感慨當年事，低徊此夕筵。
一樽驪唱罷，草草著征鞭。

次留別韻送九亭司馬

作宰初無意，歸田重有聞。
白頭還念我，青眼又逢君。
談易三升酒，裁書五朶雲。
離亭誰贈別，高唱絕塵紛。

原韻

篤祐

十載綿汾路，重來訪舊聞。
觀民常愧我，知己獨推君。
碧樹纏經雨，青山半夾雲。
明朝又促別，車馬任紛紛。

東郊口號重送九亭司馬

有道祠前袂又分何曾車馬見紛紛平生最愧懷
磚語三唱陽關送使君

立秋日作

炎景初徂暑未收不堪彈指又驚秋堦墀蝕雨青
苔合歲月催人白髮稠揷架只餘書萬卷謀生那
得橘千頭吟成此日將誰寄空憶當年接勝流

采蓮曲

郎採荷花妾採荷葉葉蔽鴛鴦花惹蜂蝶
郎採蓮房妾剥蓮子甘苦自知誰與語此

姑恩曲

維女知有母維婦知有姑悠然生孝思啞啞聞慈
鳥

姑自厭梁肉妾自甘藜藿何爲不仁鳥聲聲謂姑
惡

對菊簡諸同人二首

蕭蕭叢菊入深秋促坐相看興倍悠未必有花能
免俗縱教無酒亦消愁名園佳種堪持贈老圃孤
芳許共留却笑年年勞乞取南山高詠劇難酬
老至貪花任浪猜漫教俗客等閒來小槽酒擬連

宵賞老无益看帶露裁未免有情羞帽落且防敗
意問租催題詩爲報同袍友好遣臨風笑口開

題范忠貞公畫壁詩後

丹心耿耿照人寰難靖妖氛閩海間留取詩篇傳
畫壁千秋爭仰范螺山

送洪午塘郡伯之襄陽四首

太行冰雪擁前騶此去襄陽最上游佐郡十年賢

司

去聲

馬專城千騎古諸侯漫言冠蓋非新里且喜

文章有選樓他日習家池畔路舉鞭還許問并州
甘棠留蔭介山隈江漢從茲擬溯洄按部鹿門尋

舊隱呼鷹城北上高臺滄桑感慨歸談麈賓從風

流共酒杯最羨承平二千石到時官閣正梅開

探幽憶共宿招提

戊戌秋與君同遊綿山信宿迴鑒寺

別後那堪歲

月睽峴首看碑閒墮淚隆中懷古迥含悽弄珠仙
去遊人少湧月臺荒夕照低試問當年行樂地憑
誰更唱白銅鞮

翼軫遙分割楚天江山勝概故依然北連宛許中
原路南極湖湘下水船尚有鬼神崇俚俗豈無耆
舊繼前賢知君吏治饒經術周禮應教紀逸編

早春懷松晚都門二首

望遠那堪音問稀
詩筒棋局計頻違
別來南浦餘芳艸
客去西園有落暉
白首每慚中散懶
清時漫效季鷹歸
東風昨夜梅花放
折贈空思向帝畿
論文誰共一樽傾
獨對青春憶鳳城
璧月九衢燈乍試
唐花十樣雪初晴
紛紜節物饒新歲
寥落交遊足舊情
最是懷人愁絕處
燕臺千里暮雲橫

送文山山長禮闈北上

尺書繼寄帝王州

時方寄書松晚

又送征輶指薊邱
山店

風恬殘雪霽河橋
水暖斷冰流一年
博諭留新蔭
千里相思有舊遊
此去雲霄須努力
皇家春榜

正旁求

送樹邨明府歸新安兼寄寸田

瀟洒陶彭澤真看鮮組還情深汾曲水望遠洛西山家世科名重田園歲月閒却憐諸父老去較若爲攀

髯也吾老友因君更寄聲幾年羈宦思千里故人

情樽酒偕朋好文章有弟兄應知歸去日高會續

耆英

前寸田以齒會詩見寄令弟明府亦遙預

重送樹邨明府二首

折腰君已厭名場好促輕裝返故鄉古道風塵勞

祖帳離亭杯酒易斜陽閒情漫種陶公柳嘉蔭應
垂召伯棠最是綿汾交契在德音迢遞遠相望
探幽綿上幾追攀憶共招提信宿還在再年華生
白髮殷勤歸夢有青山一官自信逢時拙百歲誰
能未老閒他日中州理遊屐訪君應許向函關

宋尹東招看齋中蕉花六首

時樹邨明府
將歸卽以贈

別故有
未章

綴露凝漿簇絳霞綠天深處坼奇葩平生枉有看
花癖未得親浮閩粵槎

華林扶荔總傳聞寓目真堪愜所欣從此好增花

九錫悔教修竹有彈文

佳晨樽酒喜相招白髮臨風意自消記得南邨花

事好十年前看美人蕉

十年前蘭谷招賞美人蕉花

比來底事足相娛未見花同未見書

近得宋元人經解頗多

可惜輸他徐相國寫生難得禹鳴臚

立齋相公齋中蕉花開禹

鳴臚爲作圖漁洋竹垞諸公皆有詩

維咏連篇記阮翁蛋人船壓一枝紅不嫌持論吾

差異敢謂嵇含狀未工

始信嵇含狀最工暨一枝紅壓蛋人船漁洋句也

甘蕉花好得頻過明府將歸可奈何兩度送君情

未已又從花底唱驪歌

壽汪讓逵明府時甫下車

藕花秋淨接飛鳬，恰喜稱觴湛玉壺。十志才堪邁

班馬

前修山西通志輯要

五雲體更壓歐虞

明府工書

仁風待驗

中牟雉清節應還合，浦珠傳語綿汾諸父老。八千

好寫大椿圖。

哭蘭谷二首

太息應劉盡

謂田夫帷園西郊也

傷心又哭君。人倫推領袖

家世重綿汾。帖污臨池墨，書荒辟蠹芸。尚須搜篋

衍，恐或有遺文。

樂與曾聯袂，追陪又友聲。

謂樂與友聲二詩社也

竹間時置

酒花底每聽鶯風雅嗟淪喪鄉邦惜老成南園愁
重過淒絕故人情

五十初度

秋來白髮滿頭顱引鏡真看失故吾未免有情難
絕俗不求甚解尚耽書行年當貴輸翁子垂老稱
詩愧達夫却喜東籬花漸放澆愁濁酒好頻酤

冷泉關道中

落葉關南道衰遲感易生秋聲汾曲冷山色夕陽
橫塲圃看新築輪蹄憶遠征蘇門有高咏望古一
含情

高蘇門先生有次冷泉
關及夜次冷泉關詩

邊笳曲

秋風蕭蕭天雨霜
邊笳聲起落日黃
堠火不明月魄死
征人中夜思故鄉
寄語銳頭兒
蘆管且莫吹
將軍昨戰洮河北
入耳還驚似鳴鏑

容齋詩集卷十九

容叅詩集卷二十

綿上茹綸常文靜

爛柯集

比年以來疲於酌應頗耽坐隱蓋借以驅塵埃避囁嗜也丙午秋日與三五同志爲弈約每集酒止三行肴用四簋僕圍皆從屏却對局之外欲賦詩作畫揮麈臨池者聽焉素亭有詩紀事予與諸君子繼和之旣而楊官山少府亦間一至其以寓客與者則史君南坡一人而已古人所謂得閒多事外與夫棋罷

不知人換世其是之謂歟於是甲辰以後詩
統名之曰爛柯集於戲豈獨弈哉自總角迄
今四十餘年人事推遷風俗變易其間可驚
可愕之事固不一而足而骨肉至親以及良
朋勝友樂數晨夕者率多化爲異物偶一回
思恍疑隔世則予此日殆亦如王質石室山
中看棋歸來時乎

過董壽林園中看竹花漫賦

最美王猷逸興除一叢真見翠交加記從綺席吟

蕉實

昨秋宋尹東參中
芭蕉作花結實

欣向芳園對竹花三徑風

清增淡淹半窻月皎映欹斜平安此後須頻報好
作君家瑞事誇

題施硯農少尹小照

獨坐忘言意自深披圖曾記贊鳴琴知君別有條
然處未必拈鬚爲苦吟

伏日與客對奕小飲漫成

觸暑從他襍穢忙文楸方罫興偏長半窻踈雨蕉
陰重一榻清風竹吹涼佐七恰逢魚入饌浮蛆尚
有酒盈觴爛柯莫話山中事已見前峰下夕陽

甲辰仲秋爲田夫作墓誌銘成愴然感賦

回首清風杳莫攀
銘君那禁涕潸潸
蓋棺已定存公論
謏墓無能只汗顏
元亮徑荒餘蔓草
鮑昭墳兆有青山
竹林故舊凋零盡
更許何人共往還

九日感舊

悼蘭谷懷曉園也

漫將白髮對霜辰
尚有黃花照眼新
宿草獨悲泉下客
清樽偏憶宦遊人
玉山風雅誰能嗣
金谷豪華跡易陳
存歿幾堪回首處
茱萸醉把一傷神

王桂岩以讀拙集詩見寄過蒙許可愧弗
敢當用韻答之

束髮哦詩老未工
况慚才盡似文通
青雲客每嗤

儉父白雪誰能擬鉅公

原詩以李北地相擬

彈指只餘陳跡

在到頭難遣俗緣空多君佳什頻相寄尚有當年

正始風

長至日桂岩有詩見簡感懷奉酌

時君設帳李氏

峴容山意欲迎人又值吹葭節候新一卷未空文字障三生難悟去來因苦無藥物能醫俗喜有交情類飲醇欲向寒梅問消息五經絳帳正紛綸

次留別韻送王正甫

兩世論交似紀羣懷人情緒正紛紜那堪惜別離
亭路枯柳寒鴉帶落驥

千里冰霜繫夢思，愁從驪唱和君詩。
杏花消息須頻問，莫忘梅開贈別時。

原唱

王賡雅

正甫

唱和經年正樂羣，無端別緒起紛紛。
亟憐把酒河橋上，立馬躊躇對夕曛。

自慚無物慰相思，臨發空留惜別詩。
有約歸來須記取，杏花春雨艷陽時。

重送正甫之山左

長短亭前去住分，驪歌重疊感離羣。
一鞭過發河汾路，千里遙瞻泰岱雲。
到日梅花須折贈，殘年人

事太紛紛君家伯氏如相問

謂芝

爲道君苗硯欲

焚

外舅鎬軒先生以偶感詩見示次韻奉和
處身誰似楸株拘七十年華過隙駒老去知公詩
漫與不嫌擊壤學堯夫

早從藝苑廁時豪白雪吟成調孰高最是冰清模
楷近半生華髮愧塵勞

送曉園之潤州別駕任二首

并叙

名場展驥固羨賢豪藝苑雕蟲偏憐故舊宵征
汾曲感懷千里萍踪遙指江城悵望數行柳色

落燈風裏人携南浦之樽送客亭前我唱陽關
之曲爰祈郢削更愧巴音

寥落方多感

時麓谿初殺

春風又送行一樽當遠道半

刺有高名草色雲陽驛江聲鐵甕城他年傳善政
好慰故人情

客路還迢遞予心正鬱陶維舟逢候吏傾蓋接時
豪泉汲中冷好山看北固高知君勵清節應佩呂
虔刀

題南村別墅

追錄舊作

數里背城市園林帶南邨詎必遠人境幽意誰與

論

乙巳嘉平八日同董魯玉廣文范息園過

淨土寺卽事二首

列岫明殘雪諸天接凍嵐肅瞻襄毅像

寺傍祀明楊襄毅公

近踏遠公菴

明僧明曉舊菴在寺後

選佛場爭羨

近僧因住持涉訟

藏經閣漫探便湏餐臘粥前後問三三

窟處通幽邃僧寮怯遍探滄桑留古塞

一名史村寨前明建

兵處也

龍象護名藍聚石誰能說拈花自可參何當

謝塵事彌勒與同龕

次韻和曉園別墅懷人之作

時以潤州別駕謝病歸

別墅閒過帶郭邨微吟慷慨志猶存浣花舊雨莓
苔徑種柳高風薜荔門滄海已看歸薄宦遠山常
許伴清樽輞川我亦同裴廸高咏椒園與漆園

簡曉園

憶昨送君行離亭青柳色迨君謝病歸雨雪紛阡
陌秋來占勿藥俯仰感今昔官冷潤州城夢回揚
子驛一登妙高臺遂拋簿書役山水仲長園松菊
淵明宅寄我惆悵吟意若有未釋君念盍簪朋我
懷解組客南邨二載餘堦除無我跡摧風黃葉落
蝕雨紫苔積何時當過訪一樽傾重碧

弈會詩二首次素亭韻

終年碌碌嘆勞生萬事都將寄一枰
丙夜寒燈思默運午窓深院劫閒爭
家常蔬蕪皆堪供肆市茅柴亦可傾
湯說東山曾賭墅風流誰繼謝公名
舊業拋荒似隔生暫携黑白事枯枰
山中容有婦姑戲局上幾於蠻觸爭
詩不求工還漫與酒無過量且同傾
獨慚華髮盈顙日浪得人間坐隱名

贈楊官山少府二首

楊常州人博學工詩
需次州佐暫視介邑

附
篆

傳家清德許誰同雲路初乘萬里風
才擅盈川唐

四傑名高伯起漢三公論詩派合江西重市駿羣
應冀北空他日綿山誇勝事舊留題處碧紗籠

襟懷磊落酒腸寬共我閒吟寄華端豈有枯株能

待兔何妨荒棘且棲鸞玉山鐵笛凌風弄東閣梅

花帶雪看却羨龍溪汪大尹

謂讓遊明府

真教屈宋作

衙官

次韻奉酬容叅先生

楊馮元

官山

容叅先生品高而逸氣靜以專其於詩也得味
外味有王孟之風僕向於會城晤守愚明府嘗
盛道其名心竊慕之茲來承乏尉篆一切未暇

問先問先生居暇輒往見見輒論詩所論詩辭
意見又多所符合益恨相見已晚聞先生少壯
時同社詩人翕然稱盛今俱不可復見未窺全
豹區區之心有餘憾焉然見先生詩亦足以知
先生之所與而猶幸天假之緣使僕得等於見
知聞知之列而綿上之行爲不虛也因承郢教
勉和元音並附數言以誌永好

俊格幽情迥莫同扣門每喜坐春風驚人詩句
如坡老飲酒狂名異次公架有令謨堪補乘胸
無俗事不書空獨慚相對形骸穢願乞丹砂謝

世龕

繞郭綿山野色寬
年年采朮向雲端
同心淑婦車馴鹿
揆藻佳兒筆聳鸞
奕興每從良夜永
花期未許俗人看
多勞賞識風塵外
青眼還來措大官

丙午冬至前八日素亭招飲隣梅書屋卽
事四首

方罫文楸局未殘
眼前黑白苦漫漫
爛柯原是君

家事正好從旁袖手看

素亭綠遜客未及與局

貪看揮毫尚左生

時史南坡運左臂作書甚工

半窓寒日已西

傾無何歛手發鋒後又對歡筵劇酒兵

燭花紅漾興飛揚拇戰喧庭半酒狂笑我攢眉歸

去早清宵愁夢蹴蔬羊

是日以至
羊餽客

馬蹄踏凍醉歸遲漫擬探梅問後期苦茗一杯佳

興劇夜深猶和會棋詩

李洞詩會
棋雲外人

和韻

王書常

素亭

梅花未放菊花殘竹雨三竿亦可看棋罷張燈

開酒陣只今長夜正漫漫

不惜霜華兩鬢生每逢知己酒頻傾竹林七子

風流遠誰似當年阮步兵

戰拇藏鉤興更揚狂奴故態未嫌狂盤餐自笑
無兼味一一都爲博士羊

禁鼓初聞未覺遲同君正欲話襟期如何忽爾
捥鞭去馬上應成白也詩

爲蕙圃先生題畫同史南坡梁四香

竹雙鉤松五鬣石丈人離而立阿誰作者朱青雷
素壁清風生颯颯南坡左筆梁分書我更題之用
我法

冬夜感懷二首

二尺寒檠五夜鐘爪痕猶記雪泥鴻風懷跌宕棋

枰外壯志消沉酒盞中敢詡詩豪同夢得漫嗤才

盡似文通誰知老去孤吟客曾向詞壇角兩雄

謂田

夫西郊

二先生

廿載柯亭有賞聲玉山人去尚含情

謂帷圍刺史

風流

自合推前輩啞點何妨任後生瘦聳吟肩思黯淡
昏添老眼字敲傾詩成永夜空惆悵獨對梅花憶

舊盟

次容齋冬夜感懷韻

日普

遠寺初傳甲夜鐘霜天已盡北飛鴻早年抗志
雲霄外晚歲陶情詩酒中身世可能忘寵辱著

龜漫許問窮通邇來爾唱多風雅更有何人慕
思雄

希履當年擅友聲底堪回首憶交情

西郊蘭谷
竹泉麓谿

已皆作古松晚
芝田又復遠遊

名山事業惟傳世駒隙光陰尚

達生棋爲饒先常手欽詩因箴闕每心傾敦槃

此日誰爭長奕社詩壇好主盟

雪中官山少府以和予隣梅書屋卽事詩

見示時梁樸菴賈曉園並有和詩因再用

前韻成四首却寄並簡諸同志

積素閒堦踏未殘謝家飛絮白漫漫愛他楚客陽

春曲恰許連篇映雪看

風味難忘是麴生扶頭早見二升傾醉來不學袁
安卧更向明窓按墨兵

五陵豪賞與飛揚野老占年喜欲狂獨我畏寒還
墮戶從人三徑有求羊

幾點梅花春意遲水邊林下漫相期憑君好語楊
臨賀更賦綿山瑞雪詩

和韻

馮元

捲空絕似柳花殘積素侵簷瓦半漫却怪故人
遲驛使如何忘寄嶺梅看

紙窓矮屋曉寒生吟興還憑竹葉傾抽秘騁妍
誰獨擅輸君武庫有奇兵

炫眼紛紛蝶影揚儘他風勢作輕狂獨憐無事
妨高卧安穩聊同挂角羊

潛侵旅鬢嘆衰遲阻我溪山訪戴期落拓年來
無長物差強人意有新詩

客中書懷用容叅先生韻

史蘭生

南坡

柳色將舒臘漸殘關山迢遞路漫漫十年未斷

思親淚得意梅花冷淡看

戊戌冬客揚州梅花嶺畔哀聞先慈訃音

蕭寺夷猶睡起遲殷勤童僕問歸期酸心寫幅

蘭花賣多少人題咏草詩

臘月廿一日南坡寫梅見寄口占二首奉

謝

笛中那復畏凋殘
冷蕊踈香耐歲寒
記得小橋風雪裏
更無人處盡情看

最愛孤山處士詩
春風披拂又經時

時立春已四日矣

多

君寫向生綃上
絕勝江南寄一枝

謝官山少府惠冰鮮

漠漠同雲暗未開
酒逋詩債苦相催
高情獨有楊臨賀
特遣冰鮮廿尾來

遺我還兼尺素書
冰霜曾憶直沽無
却欣斗酒歸
謀得不羨松江巨口鱸

除夕懷官山南坡

三百六旬盡懷人
酒一瓢窮通何足問
壘塊故須

澆結習空饒舌

指南坡近事

和光漫折腰

謂官山

相期摘

彩筆更頌玉盤椒

柳惲真才子
威明實俊人
哦松官閣迥作客
祇圍春共我詩成癖
從誰賦逐貧
新年愁促別
莫惜往來頻

除夕和南坡官山署中度歲之作

寒暑逢除夕屠蘇最後觴詩篇增客思節物憶江
鄉瑞雪千門霽華燈五夜張屢端方肇慶相待賞
韶光

早春寄懷芝田

老去交情漸覺疎直沽東望復愁予新春獨抱懷

人思遠道初傳隔歲書

昨歲春間詩札今歲正月始達

對客揮毫

應未已携家旅食定何如遺編考訂誰堪共杯酒

頻斟悵索居

予輯山右詩鈔未竣芝田屢書詢問故及之

將之津門寄懷容叅先生

賡風

天涯倦客理行滕泛宅清源感慨增幾見鹽車

羈轡裏劇憐籬鵲笑鯢鵬蒲帆曉送孤城月藤
纜宵維野寺鐙遙憶故園高卧者閒遶料峭擁
吳綾

入夢關河阻且長同人佳會幾傳觴花間賭茗
移筠席簾下分箋藉隱囊去國十年猶故我浮
家八口又殊方何時得踐還山約風雨聯床一
倍償

寄懷松畹

秋風彈指又春風猶記詩篇托去鴻
去秋曾以鄉詩札相寄
里浮沉人易老關山迢遞夢難通飄絲柳轉長堤

綠剪綵花開上苑紅何日金臺看重過論文還許
一樽同

寄懷方小坡孝廉都門

芳晨載酒復誰親爲溯神交尚有人出谷嚶聲羈
弱羽蹙凌春水起潛鱗時君將試禮闈欣逢驛路梅初放
恰值天邊杏又新從此雲霄看得意泥金莫忘寄
書頻

丁未上元漫興二首

老來情思冷於冰花火宵中感又增聞說宰官懲
侈俗街衢今歲罷燒燈

爆竹燒殘寶炬燃笙歌幾處沸華筵一樽笑我酸
寒甚獨坐空筵看月圓

寒食送南坡還都門

輕烟疎雨欲飛花杏酪分香俗共誇高青此日送

君汾水上王孫芳艸遍天涯

送素亭之歷下

故園花柳又清明白髮清樽唱渭城七十二泉春
艸遍憑君爲弔濟南生

容參先生座中留別兼送素亭之山左

蘭生

拚醉離筵酒一樽
花光柳色總銷魂
誰憐此日將歸客
翻送詩人別故園

題画二首

一一魚苗兩兩蛙
緯蕭障水記爬沙
菊天風味披圖見
便擬持螯對客誇

蓼塘妙繪比徐熙

熙有蓼塘蟹圖

荷蓋經秋已半欹
他日

寒蒲看束縛不教倉卒誤蜉蝣

送於藝之官越中

試吏餘杭郡湖山景色饒
垂鞭芳艸路盪槩木蘭
橈佛法傳三竺笙歌擁六橋
更須携勝侶同看海

門潮

南邨別墅雜咏四首爲曉園續賦

菊籬

愛咏淵明詩兼種淵明菊亦復賦歸來東籬泛芳
醪

蔬圃

學圃亦自佳朝來韭初剪未忘漢陰機坐簷看灌
圃

鵲亭

一矢聞號猿三年看質蝨顧我未能然正鵲慎無

失

留芳窟

秋風菊滿籬春雨蔬成圃

遁山句

歲暮惜餘芳携君

探窟處

張烈婦詩

白璧莫能湮素絲安可汙靈芝產糞壤清蓮出泥
淤貴賤豈有種貞淫終難誣卓哉張烈婦少小邛
邛姝十三嫺絲竹阮咸共燕筭十五妙音節楚曲
兼吳歛耀首翠花鈿被體繡羅襦眼波豔眉黛皆
言與衆殊每念倚門恥時時向座隅不待車馬稀

非因見金夫小星固善下衾裯敢寵踰短衣學操
作華後遞屏除何期家中落轉徙去里閭南陽倏
數載夫君病且殂垂死目未瞑欲語還嚙嚙意謂
矢同穴此志慎勿渝妾聞腸寸斷淚落如連珠門
戶賴女君似續寄諸孤妾生亦無用妾死當相俱
鬼伯爾何物催人赴冥途毅然絕眷戀更不緩湏
臾蒼黃頸上帛悽惻懷中書上言非逼殛聊以遂
區區下言隨夫柩魂魄歸故墟嗚呼烈婦死丈夫
愧不如粵稽古載籍彥回繁有徒况彼巾幗中難
概責捐軀此事非虛誑我聞爲欷歔詩告采風者

名教尚持扶

高烈婦歌

烈婦殉節於乾隆辛卯至丁未冬予始爲作歌
蓋忽忽已十六年矣雖謏陋不足傳而要可以
見節烈之感人久而莫忘也

寒氣凜冽侵昏檠哀張氏妾詩初成無何更憶高
烈婦往事棖觸心怦怦烈婦靳氏良家子明眸皓
齒體無比作配高君爲繼妻禽似鴛鴦樹連理合
歡花開初結褵合歡花謝去鄉里羞把金釵當卜
錢陌頭楊柳青未改二載南都歸數旬一病何圖

竟不起感君恩義忍獨生別抱琵琶誠所恥況當
疾革矢無他石爛海枯寧可悔紅羅三尺魄飛揚
蛾眉二十爲君死此志微應阿母知曾向歸寧示
風旨但將好語囑弟昆尚有歡顏給姊姪當日褒
詞出宰官他時貞名播青史事去於今幾歲年繡
裙羅帳散如烟一抔剩有荒墳在蔓草空山泣杜
鵑

卽事戲作示友人

禪板蒲團記宿因漫將嚼蠟視橫陳年來結習銷
除盡真見天花不着身

歲暮書懷

老至方多感，風光逼歲除。
灰心緣嗜暗，避事爲紛
拏。屋角寒梅馥，堦前苦竹疎。
冰霜標格在，更莫語
拘墟。

容丞詩集卷二十

山右詩人近代以吳蓮洋徵君為正宗然
其詩嘗為新城尚書所論定故有六醇
無疵也余詩固遠遜蓮洋又以商榷無人
草率從事獨力兼營不暇持擇前集既悔
濫登茲刊復蹈故轍安得如漁洋者而為之
訂正哉他日詞壇宗匠桑梓名流倘不覆瓿
視之刪其蕪穢應酌之作使之十存四五以
庶幾其或傳是則余之厚望也夫
乾隆歲在署雍泥灘除夕前三日六悔翁
如綸常題於言息廬